



NIMAUUA BWAAI AE A KARAOI TAAN KAKAUONGO AIKA TAMAROA

Ni koauana te kakauongo e na buokiko n ataia bwa ko na kanga ni buoki kainnanoia tabeman n tamneia ao n rabwataia n te kawai are e karaoia te Tia Kamaiu.

U nimwaane Jeffrey R. Holland man te Kooram n te Tengaun ma Uoman e taku: “Tao ae e kakaawaki riki nakon te taetae bon te kakauongo. . . . Ngkana ti kakauongo ma te tangira, ti na aki tabe ma te bwai ae ti na taekinna. Ti na anganaki—iroun te Tamnei.”¹

Te kakauongo bon te rabwakau ae ti kona n reiakin-na. Ara kakauongo e kaota ara tangira ibukiia tabeman, e buoka karikirakean te reitaki ae korakora, ao e kaoa te Tamnei ni kakabwaiaira n ana bwai n tangira te motikitaeka ni buokiira bwa tina atai kainnanoia tabeman.² Aikai nimaua kawai aika a na buokira ni kanakoraoa ara kakauongo.

1. Anganiia Aia Tai

Mwaitia aomata a kainnanoa te tai ni karekea aia iango imwaain ae a taetae. Anganiia te tai bwa a na iango

imwain ao imwiin ae a taekina te bwai teuana (taraa Iakobo 1:19). Ti ibukina bwa a bane aia taetae tiaki nano-na bwa a bane n tia n taekin bwaai ni kabane ake a riai n taekin. Tai maku n te aki taetae (taraa Iobi 2:11–3:1 ao Aramwa 18:14–16).

2. Kakauongo Raoi

E waekoa ara iango nakon ae a taetae tabeman. Tuka te kaririaki ni karokoa n tokina ke ni kaman iangoa te bwai ae ko na taekinna ngkana e a toki aia taetae (taraa Taeka n Rabakau 18:13). Ao ibukin anne, kakauongo ma te kantaninga bwa ko na ota iai. Am kaeka e na rang raoiroi ibukina bwa e na katauraoaki man am atatatai ae korakora.

3. Kamataata Raoi

Tai maaku n titiraki ibukin te kamataata nakon baike ko aki ota iai. (taraa Mareko 9:32). Te kamataata e kauarerekea te aki ota ao e kaota nanom n te bwai ae maroroakinaki.

4. Manga langoia

Manga taekina te bwai are ko ongo ao e kanga otam nakon ana namakin temanna. E buokiia aei n ataia ngkana a tia ni mataata iai ao n anganiia te tai n ota raoi iai.

5. Kakaei Bwaai ae kam Boraoi lai

Ko na bae n aki boraoi ma bwaai aika taekinaki, ma boraoi ma ake ko kona ao n aki kabwarabuaka oin am namakin. E kona te kukurei ni buoka kakerikakan te raraoma ke te kabuakaka (taraa Mataio 5:25).

Beretitenti Russell M. Nelson e reirei bwa ti riai, “n reirei aron te kakauongo, ao te kakauongo n reirei bon imarenaia.”³ Ngkana ko kakauongo ma te nano ni kan reirei taekaia tabeman, ko na nakoraoi riki n atai kainnanoia ao n ongo namakin n aron tabeakinaia naake irarikim n aron ae na karaoia te Tia Kamaiu.

Te Kakuongo bon te Tangira

Ana karaki Unimwaane Holland e kamataataa mwanan te kakauongo:

“Raoraou ae Troy Russell e karaurau ni kabuta ana turaki te pickup man ana karaati. . . . E namakina ana rabwa are mai ibuki ni buti iaon te bwai teuana. . . . E otinako n tii noora natina te mwaane ae kakawaki ae ruaiua ana ririki, Austen, ni wene ni baraaki iaon te tabo n nakonako. . . . Austen e a tia ni mate.

“E aki kona ni matu, e rangin n rotaki n te aki rau, e nanokawaki ao n tiku ma te aki raunnano. . . . Ma inanon te tai ni maraki n rawawata e roko . . . John Manning. . . .

“I aki kona n ataia bwa e kanga n reke aia tai John ao toana ae uarereke ni karaoa kawaia nakon mweengan Russell. . . . Ae I ataia man te tiburing ae nako ngke te Tari Manning e ruorikaaki ao n anaa Troy Russell man kawain ana ka te tabo are e riki iai te nanokawaki ae kanga aiaron ae bon tabekan Austen. Ai aron . . . te tari inanon te euangkerio are kanga ai arona, John e anaa katabean te nakoanibonga n tararua ao ni kawakina Troy Russell. E moanna n taekinna, ‘Troy, e tangiriko Austen

bwa ko na teimatoa ni maiu—n ikotaki ma are iaon te tabo ni bwatiketibooro—ngaia ae N na mena ikai n 5:15 ni katoa ingabong. Bwaina te tatauraoi. . . .”

“I aki tangiria n nako,’ Troy e tuangai imwiina, ‘bukina bwa I a tia ni kakaira Austen n tainako. . . . Ma John e imanono, ngaia are I a nako. Man te moan bong are imwiina, ti taetae—ke I bon taetae ao John e ongora. . . . N te moan tai e kaangaanga, ma imwiin te tai I ataia I a tia ni karekea korakorau n aekan [John Manning], ae e tangirai ao n tia ni kakauongo irou ni karokoa I a tia ni karekea te kimwareirei ngke I a manga maiu.”⁴

BWAAI AIKA A NA TARAAKI

1. Jeffrey R. Holland, “Witnesses unto Me,” *Liahona*, Turai 2001, 16.
2. Taraa David A. Bednar, inanon te “Panel Discussion” (te bootaki ni kataneiai irouia taan kairiiri ni kabuta te aonaaba, Nobembwa 2010), broadcasts_lds.org.
3. Russell M. Nelson, “Listen to Learn,” *Ensign*, Meei 1991, 23.
4. Jeffrey R. Holland, “Taan Tei Nakon te Ekaretia,” *Liahona*, Nob. 2016, 62, 67.

TE MWAKURI N IBUOBUOKI N ARON AE KARAOIA TE TIA KAMAIU

Ngke e kitana leriko lesu, uoman mwaane aika mataki a takarua nako Ina, ni kangai, “ko na nanoangaira, te Uea. . . .

“Ao e tei lesu, ao E weteia, ao E taku, Tera ae kam tangiria ba N na karaoia nako imi?

“A taku nako Ina, Te Uea, a na kaureaki matara.

“Ao E nanoangaia lesu, ao E ringi mataia: ao a rina n noraba, ao a iria” (Mataio 20:30, 32–34).

Tera ae ti kona n reiakinna man aron ana kakauongo te Tia Kamaiu?

TE KAKAO NI MWAKURIIA

Iangoia bwa ko na kanga ni karaoi reirei aikai inanom bwa ko na kanga n ibuobuoki. Titirakinia naake ko buokiia te bwai ae a kainnanoia. Ongora nakon aia kaeka ao ana wirikiriki te Tamnei ae Raoiroi. Mwakuria te bwai ae ko ongo.

Reirei n ibuobuoki a baireaki ni buokiira n reireiniira n tabeakiniira i bon imarenara—n aki tibwaaki kanga te rongorongo. Ngkai ti ataia naake ti beku ibukiia, e na kairiira te Tamnei ae Raoiroi n ataia tera te rongorongo are a kainnanoia n reitia ma ara tararua ao ara nanoanga.